

Wir ergreifen Partei

**FÜR EINE
SOZIALE SCHWEIZ.**

Nus prendain partida

**PER
L'EGUALITAD.**

Noi siamo dalla tua parte

**PER
LA PROTEZIONE
DEL CLIMA.**



Prender partida per ina Svizra sociala

Sco socialdemocrat(a)s savain nus: progress datti be sche nus ans engaschain communablamain. Na tuts cunter tuts, ma in sper l'auter. Betg cun ils recepts d'ier ma cun soluziuns dad oz. Na pir damaun, ma uss e qua. Betg mo a mesas, ma cun curascha.

Per far quai prendain nus partida mintga di. Er entaifer e per il Grischun. Cumbatter per insatge, s'engaschar per insatgi, avoir ina posiziun: Quai è per nus prender partida. Nus vulain prender partida per la speranza e per la perschuasiun che progress, libertad e gistia è pussaivel per tuts. Noss preschent ed il futur da quels che vegnan suenter pretendan ina fin da l'indifferenza.

Naturalmain èn las prioritads da la PS Svizra er nossas prioritads. Nus prendain partida per tschains da locaziun pajabels, premias per chassas da malsauns pli bassas e rentas acceptablas. Nus prendain posiziun per ina protecziun dal clima effizienta e per segirezza dal provediment. Nus prendain partida per ina vaira egualitad. Nus prendain posiziun per ina Svizra sociala.

Però nus avain er prioritads per il Grischun, per il qual nus vulain prender partida a Berna sco socialdemocrat(a)s grischun(a)s.

1. Nus stgaffin dapli spazi d'abitar pajabel per fermar la depopolaziun e rinforzar la capaciad da cumpra da la populaziun.

En bleras regions dal Grischun – spezialmain en las vischnancas turisticas ed en ils centers – daventi adina pli difficil per la populaziun indigena da chattar spazi d'abitar pajabel. Ils tschains da locaziun creschan ed èn daventads il killer da la capaciad da cumpra numer 1 en il Grischun. Plinavant: Bleras famiglias e persunas giuvnas èn sfurzadas da partir pervi da la mancanza d'abitaziuns. Or da vista sociala è quai inacceptabel e periclitescha l'avegnir da las regions pertutgadas. Perquai dovri ina midada da direcziun clera ed evidentia en la politica dal spazi d'abitar.

Nus pretendain in fondo chantunal per il spazi d'abitar che possibilitescha la creaziun d'abitaziuns d'util public en las regions pertutgadas. E nus dumandain ina meglieraziun da la lescha davart las abitaziuns secundaras per garantir ina quota d'emprimas abitaziuns per immobilias da dretg vegl.

2. Nus mettain en pratica ina protecziun dal clima efficienta e tschiffain las schanzas da la midada energetica per il Grischun.

La protecziun dal clima ed il provediment d'energia schuber e segir èn ils pensums pli gronds da nossa generaziun. Quellas sfidas pudain nus prender a maun be tuts ensemen. Adina dapli umans sa stentan per in stil da vita duraivel. Ma tscherts concerns prendan en cumpra per lur profits che nossa natira, nossa fauna e nus umans vegnin en privel. Quai vala cunzunt per las regiuns da muntogna e per il Grischun. En il medem temp porscha la midada energetica gist en las muntognas nundumbraivlas schanzas per posts da lavur e creaziun da valor.

Nus pretendain en il Grischun la realisaziun consequenta dal Green Deal che la PS ha lantschà. Nus procurain per ina realisaziun consequenta ed ecologicamain cumpatibla da l'offensiva solara en il Grischun ed ans engaschain per l'iniziativa dal fondo climatic che vul facticamain introducir in Green Deal per l'entira Svizra. **E nus dumandain fermas mesiras per ch'il plaz da finanzas svizzer vegnia obligà da far fatschentas che èn cumpatiblas cun la cunvegna dal clima da Paris.** Cun quai contribuin nus a la realisaziun dal pensum da l'entira umanità da proteger il clima e tschiffain las schanzas per noss chantun muntagnard.

3. Nus segirain ina buna tgira ed il meglier provediment da la sanadad en tut las regions.

Er sche la populaziun grischuna ha approvà cleramain l'iniziativa per la tgira, resta la mancanza da forzas da lavur qualifitgadas en il sector da tgira e sanadad in dals pli gronds problems dal Grischun. Buna tgira, assistenza professiunala ed il meglier provediment medicinal èn las premissas per in bun avegnir da noss chantun.

Nus pretendain ina realisaziun cumpletta e rapida da l'iniziativa da tgira. Per quai na dovri betg mo in'iniziativa da formaziun, ma er meglieras cundiziuns da lavur per tut las personas engaschadas en il sector da la sanadad. La tgira ed il provediment medicinal na dastgan betg vegnir considerads be sco factur da custs. In'ulteriura economisaziun dal sector da la sanadad e las tendenzas da centralisaziun ston vegnir fermadas. Perquai sustegnain nus er las regions da provediment da la sanadad stgaffidas en il Grischun e **pretendain ch'il sector da la sanadad vegnia considerà sco service public e na sco model da fatschenta.**

4. Nus promovain l'egualitad er en il Grischun.

Grazia al moviment feministic vegn la societad vinavant – er en il Grischun. Ins senta ina ferma voluntad da transformaziun, e quai è bun. Però: i manca anc bler per cuntanscher nossa finamira. Finanziainmain èn las dunnas anc adina clerain sut il nivel dals umens. Geniturs giuvens han da batter tranter professiun e famiglia. Dunnas ed umans queers èn vinavant confruntads cun sexissem e violenza. L'egualitad n'è betg ina chausa privata, ella va tiers a nus tuts.

Nus pretendain egualitad da paga e nus vulain serrar la largia da rentas da bleras dunnas. Nus ans engaschain per Kitas pajablas per tut las famiglias – en tut las regiuns. En il Grischun avain nus gia dumagnà atras il Cussegl grond ina lescha progressiva, naziunalmain ans engaschain nus per la Kita-Iniziativa e per in temp da geniturs adequat. **Plinavant: Nus cumbattain per dapli respect, cunter violenza e cunter sexissem en il mintgadi.**

5. Nus ans engaschain per ina Svizra europea indepenenta da las bancas.

La posiziun da la Svizra en l'Europa ed en il mund è donnegiada. Il Cussegl federal n'ha anc adina betg ina soluziun per la relaziun da noss pajais cun l'UE – la megliera vaschina che noss pajais ha gi' insacura. Malgrà la criminala guerra d'attatga da la Russia cunter l'Ucraina èn grondas parts da la politica bloccadas en in'interpretaziun antiquada ed opportunistica da la neutralitad. Ultra da quai ha la fusiun tranter la CS e l'UBS sfurzada tras cun dretg d'urgenza mussà che noss pajais sa chatta facticamain en ostagi da las bancas grondas ed gist uss concret da la monsterbanca UBS. Quai è in privel per nosssa suveranità e nosssa democrazia.

Sco abitant(a)s dal Grischun, chantun da turissem e da cunfin,

pretendain nus perquai che las dumondas instituziunalas cun l'UE vegnian schliadas. E nus dumandain dal Cussegl federal ch'el considereschia la Svizra sco advocata dal dretg internaziunal e ch'el semettia, en la guerra, decididamain da la vart da l'Ucraina. E nus pretendain natiralmain ina regulaziun da las bancas che restrenscha la pussanza da la monster-banca UBS e sbassa ils ristgs per la societad.

Excess da bonis e renditas da chapital privat absurdas ston tutgar al passà.

Wir schaffen mehr bezahlbaren **Wohnraum**, um die Abwanderung zu stoppen und die Kaufkraft der Bevölkerung zu stärken.

Wir setzen wirksamen **Klimaschutz** um und packen die Chancen der Energiewende für Graubünden.

Wir sichern gute Pflege und beste **Gesundheitsversorgung** in allen Regionen.

Wir bringen die **Gleichstellung** auch in Graubünden voran.

Wir setzen uns für eine **europäische Schweiz** ein, die nicht am Gängelband der Banken geht.

Nus stgaffin dapli **spazi d'abitar** pajabel per fermar la depopolaziun e rinforzar la capacidad da cumpra da la populaziun.

Nus mettain en pratica ina **protecziun dal clima** efficienta e tschiffain las schanzas da la midada energetica per il Grschun.

Nus segirain ina buna tgira ed il meglier **provediment da la sanadad** en tut las regiuns.

Nus promovain **l'egualitad** er en il Grischun.

Nus ans engaschain per ina **Svizra europea** indepenenta da las bancas.

Promuoviamo **abitazioni** a prezzi accessibili per fermare lo spopolamento e rafforzare il potere d'acquisto della popolazione.

Mettiamo in atto una strategia efficace di **protezione del clima** e sfruttiamo le opportunità della svolta energetica.

Garantiamo cure di qualità e il miglior **sistema sanitario** in tutte le regioni.

Promoviamo **l'uguaglianza** di genere anche nel Grigioni.

Ci battiamo per una **Svizzera europea** che non stia al guinzaglio delle banche.

**AM 22. OKTOBER SP WÄHLEN!
VOTAI PS ILS 22 D'OCTOBER!
IL 22 OTTOBRE VOTARE PS!**